



Publicaziuns dalla vischnaunca, jamna 4

Lubientscha da baghegiar

L'instanza da baghegiar ha concediu suandonta lubientscha da baghegiar:

Nr. 2015 - 1040.000

Swisscom (Schweiz) AG Bern, Ringstrasse 34, 7000 Chur, installaziun d'antennas novas e demontascha d'antennas directivas, parcella 2915, Runfoppa Sut, 7180 Disentis/Mustér.

Disentis/Mustér, ils 26 da schaner 2016

Uffeci da baghegiar Disentis/Mustér

Cussegl da vischnaunca

Il cussegl da vischnaunca seraduna **venderdis, ils 29 da schaner 2016** allas 20.15 en casa communal.

Tractandas:

1. Protocols 26/1-, 26/2- e 27-2013/2016
2. Ual Val Aletta: Project per rempar e credit da planisaziun (messadi nr. 37-2013/2016)
3. Ura da damondas (conform ad art. 44 dil regulativ da fatschentas)

Il president dil cussegl da vischnaunca

Alarm d'emprova 2016

Tenor comunicaziun digl Uffeci da militar e da protecziun civila dil Grischun ha liug en l'entira Svizra

**mesjamna, ils 3 da fevrer 2016, allas 13.30/13.45 alarm general
allas 14.15/14.50 alarm d'aua**

Ei setracta d'alarms d'emprova tier ils quals ei vegn examinau d'ina vart sche las sirenas funcziuneschan e da l'autra vart vegn dau la pusseivladad d'emprender d'enconuscher ils differents tuns d'alarm.

Alarm general

Cun quei alarm vegn la populaziun alarmada en cass da prighel smanatschont. Il signal «alarm general» ha in tun che crescha e sbassa e che cuoza ina minuta.

Aschinavon ch'il signal «alarm general» avisescha **ordeifer igl alarm d'emprova**, lu significhescha quei ch'ina periclitaziun dalla populaziun ei pusseivla. En quei cass vegn supplicau la populaziun da tedlar radio, da suandar las ordinaziuns dallas autoritads e d'informar ils vischins.

Alarm d'aua

Igl alarm d'aua vegn menaus atras allas 14.15 ed allas 14.50. In tun bass interruts regularmein che cuoza sis minutas. La populaziun sto interprender neginas mesiras. Igl alarm d'aua vegn ins ad udir mo el territori nua

ch'ei sesanfla lags da fermada. Dils plans cul territori periclitau sa vegnir priu investa tier l'administraziun communal.

Aschinavon ch'il signal «alarm d'aua» avisescha **ordeifer igl alarm d'emprova**, lu significhescha quei ch'ina periclitaziun dalla populaziun ei pusseivla. En quei cass vegn supplicau da bandunar immediat il territori periclitau.

Ulteriuras indicaziuns e reglas ein d'anflar sin teletext, pagina 680 ed era egl internet www.sirenentest.ch.

Bien engraziament per Vossa capientscha.

Suprastonza communal Disentis/Mustér



Controlla da habitonts

Mortori

Anita Giger-Vincenz, naschida ils 18 d'avrel 1936, morta ils 20 da schaner 2016

Naschientscha

Demont Joel Dominic, naschius ils 19 da schaner 2016 fegl da Simona e Simon Demont

Uniun da scursalar e spassegiar Mumpé Medel

Avis

Muort la pauca neiv ei la cuorsa da scarsola e sliusa da corns a Mumpé Medel refretga sin **dumengia, ils 21 da fevrer 2016**.

Informaziuns en detagl: www.la-scursalada.jimdo.com

Cinema Salaplauna

Stallkino

In'egliada anavos – films d'antruras da Norbert Levy, Albert Jacomet e Max Deplazes, mesjamna, ils 3-2- 2016, allas 20.00 a Salaplauna Disentis/Mustér.

Gia ils onns 70 ha Norbert Levy drizzau sia camera sin carstgauns, historias e schabetgs entuorn Mustér. El ha filmau igl uclaun Caprau avon e suenter la lavina e documentau la veta a Cavardiras. Albert Jacomet ha filmau il vitg da Segnas gl'unviern cu ei deva aunc buca il crieu da neiv, e la stad cu il graun vegneva sechentaus sin ils chischners. Max Deplazes arva siu pign archiv da films e muossa enqualin ch'ei staus da veser tochen oz mo analog.

Ein Blick zurück – Filme von anno dazumal

Bereits in den 70er-Jahren fing Norbert Levy mit seiner Filmkamera Menschen, Geschichten und Ereignisse rund um Disentis ein. Er filmte den Weiler Caprau vor und nach dem Lawinenniedergang und dokumentierte das Alltagsleben in Cavardiras. Albert Jacomet filmte im Dorf Segnas, als es noch keinen Schneeflug gab und das Korn noch an den Kornhisten getrocknet wurde. Max Deplazes öffnet sein Filmarchiv und zeigt einige jener Filme, die bisher nur analog vorhanden waren.

Entrada libra, collecta per cuvierer ils cuosts. Cordial beinvegni! *Center sursilvan d'agricultura*

Film d'affons

«Shaun das Schaf – der Film» (GB 2015), mesjamna, 10-2-2016, allas 16.00 a Salaplauna Disentis/Mustér

Als ihm das Leben auf seiner Farm mal wieder zu langweilig wird, beschließt Shaun das Schaf zur Abwechslung einen kleinen Ausflug zu wagen, um sich zu amüsieren. Shauns Missgeschicke führen dazu, dass der Farmer die Farm verlassen und die Tiere allein zurücklassen muss. Die Schafherde fährt in die grosse Stadt, um dort den Farmer zu retten. Doch die Herde hat noch nie eine Stadt gesehen und kann sich in dem Gewimmel der Straßen nicht zurechtfinden. Ein amüsanter Film mit den berühmten Knetfiguren aus «Wallace and Gromit» – ein Vergnügen für die ganze Familie! Ohne Altersbeschränkung. Cun popcorn e bubrondas. Entrada libra, collecta per cuvierer ils cuosts. Cordial beinvegni!

Center sursilvan d'agricultura, www.agricultura.ch

Secziun da catschadurs Péz Alpetta

Radunonza generala, venderdis, ils 29 da schaner, allas 20.15 el hotel La Furca.

Cordialmein envida *la suprastonza*
